

اعتصام

سنه ۱ —

واعتصموا ❦

عدد — ۶

۲ کاتون ثانی
سنه ۱۳۳۴

{ منافع عامه به خادم مجموعه اسلامیه در }

۲۸ ربیع الاول
سنه ۱۳۳۷

احمد شیرانی

جهاد فتوایی و مسؤولیت دعوائی

طاهر المولوی

بر حسب حال ، بر تنفی

محمد امین

هر ملت لائق اولادینی حکومتہ نائل اولور

معلم فیضی

زده ابتدائی تحصیل

مقام مشیختک نظر صحابتنہ

فیثاتی ♦ ♦ ♦ پاره در

آدره سن: فاتحہ (اعتصام) محل اداره سی

۱۳۳۴

اعتصام

❦ واعتصموا ❦

۲ کانون ثانی
سنه ۱۳۳۴

{ ہفت ہفتہ کونی نشر اول نور }

۲۸ ربیع الاول
سنه ۱۳۳۷

جہاد فتوای و مسؤولیت دعوائی

ملکتمزده اعلان ایدیان جہاد مقدس ، دہا دوغریسی قتال ملوث ؛ بدایت اعلانندن بری ، عقول سلیمہ اصحابی جدآ دوشونیدر مکدہ ایدی . اعلان جہادک زمان و شرائطی بیانلر ؛ خصوصی مصاحبہ لرنده بونک مشروع اولمادیقنی سویلہ یورلر و فقط چتہ جیلر حکومتک قهر و غضبندن قورقاراق اظهار حسیات ایدہ میورلردی . اولانجه کتم و سکوتلرہ رغماً ایران سفارتخانہ سی قربندہ کی « قیرمزی قلوب » ہیئت اتحادیہ سی ، مالک بولندیقنی برطاقم سیار استخبارات شعبہ لری واسطہ سیلہ اوتدہ ، بری دہ جہاد علیہنہ سویلہ نیلان سوزلری خبر الیور و « الحائن خائف » فحواستہ بوجریانک عمومی لشمہ سندن قورقیوردی . برنجی و اوچنجی موقوفیتدہ پولیس مدیریت عمومیه سی قسم سیاسی شعبہ سندنہ استجواب اولنورکن جہادک مشروعیت و عدم مشروعیتنہ دائر بکاصوردیقلمی سؤل لردن ؛ بو قورقو تماماً کلاشیلیوردی .

عادی محاربہ لردہ بیلہ عار فراری ارتکاب ایتمین افراد اسلامیہ ؛ بو دفعہ جہادک عدم مشروعیتی حسنک تعمم ایندیکنی فعلاً کوسستمیورلردی ایسہدہ قولاً سکوتدن آبریلہ میورلردی .

وقتا که متارکه عقد ایدلدی ، جناب شهاب الدین بك ایلک دفعه اوله رق جهاد مسئله سنی، صحائف مطبوعاته یگیردی. «حادثات» غزته سنک تشرین ثانی درت تاریخی نسیخته سنده «جهاد» سرلوحه سیله یازمش اولدینی باش مقاله ده اعلان جهادک علما نامه قید ایدیله جک بر «زله» سیاسیة اولدینی ایلری سورهرک بوبایدکی مسئولیت تاریخی بی علمایه تحمیل ایتمک ایسته یوردی. بز، دها اوزمان ، مسئولیتک کیلمره عائد اولدیفنه، جهادک نیچون فائده ویرمه دیکنه، وقوعه کتیردیکی ضررلره و جهادک زمان اعلان و شرائطنه دائر بر سلسله مقالات تشرینه قرار ویرمش وایلك مقاله بی «صباح» غزته سنه کوندرمش ایدک. بیلمه دیکنز بر سببدن طولانی درج ایدله دیکندن «اعتصام» ک تشرینه، و تکرار بروسيله ک ظهورینه انتظار آ سکوت ، اضطرابارنده قالمش ایدک. بودفعه بر طرفدن «استانبول» غزته سی ناشری سعید ملا بکک شیخ الاسلام وفتوا امینی افندیلر حضرتایله - بو مسئله یه دائر - وقوع بولان ملاقات منتشره سی ، دیگر طرفدن سر فرازان علمادان مصطفی صبری افندیک ، عین موضوعه عائد «علمدار» غزته سنده یازدینی مقاله مهمه سی ، بزمد بو مسئله حقنده کی مطابعتک بر قسمتی نشره وسیله حاضرلارش اولدیفندن فتوای جهاد و دعوای مسئولیت جهتارینی تدقیق ایتمک ایسترم .

اولا شوراسنی سويله یلم که سعید ملا ملاقاتنک نتیجه سی ، جهاد فتواسنک فتوا خانه جه تسجیل ایدلمش بولنامه سندن ، صبری افندیک زبده مقاله سی ده فتوانک بر قاعده کلیه شکنجه اصداری لازم کلورکن افراد و جزئیاته تماس ایتدیرلمش اولماسندن عبارتدور. تسجیل نقطه سی فتوا خانه ک اصول معامله سنه عائد بر مسئله در. بنساعلیه ، بونده فتوانک نه داتنه ، نه ده تعلق ایتدیکی بحثک مدافعه سنه یارایه حق بر جهت کوره میورز . اساساً فتوای اصدار ایتدیرنلر ؛ - ایستترلر ایسه - تسجیل ده ایتدیره بیلیرلردی . کلیت و جزئیات خصوصنه کلنجه بونلرده فتوانک صک و سبکی نقطه نظرندن غایت مهم اولماقله برابر ذات مسئله یه نظر آ آلمزده سلاح مدافعه اوله حق بر قیمتی حارژ دکلدر . ایستر تسجیل ایدلسون ، ایستر ایدلسون و ایستر کلیه اولسون، ایستراولماسون، شوفتوا بردفعه امضا و اصدار ایدلمش بولنیور . فتوا خانه ک بومسئولیتدن بری اولدینی اکلاقم ایچون قناعت

بخش اولیای طولامباجلی یولاردن یورو مکدن ایسه حقیقی اولدینی کبی سویله مک
یولک اسلم و اقصیریدر. اساساً کندیلرینی اقناع ایتمک ایسته دیگمز، آورو یا
رجالی، بزم لدنیاتیزی بزدن ده ائی بیلدکری ایچون بوتورلو سوزلره قانع اولمایه جقلری
کبی جدیت سزلکمزده حمل ایده جکلری شه سزدر.

اونلر، پک اعلا بیلرلرکه جهادی اعلان ایدن ده، فتوای اصدار ایدن ده
اوقیرمزی قلوبک سقف جهنمی سی آلننده طویلانان اوقیزیل قوتدر. زوالی،
ملکنتک محکمه فوق العاده سی، دیوان عالی سی، اجرا دائره سی، فتوا خانه سی،
خلاصه: هریشی اولان او «دارالندوه» ده جهاد اعلانسه و بوکا دائر بر فتوا
اصدارینه قرار ویردکن و بو قرارک انفاذ و اجرا سنه مرکز همومینک اعزه سندن
جناب خیری کبی بر جزا رئیسینی مأمور ایتدکن صکره فتواخانه هانکی قوتله بوکا
ممانعت ایده بیلیدی؟

اگر فتوای ویرمکن امتناع ایده ایدی امتناعه ارتجاع مناسب ویریلرک در حال
بر حرکت اردوسی ترتیباتی قارشوسنده قالمازی. ایدی؟ فتوا امینک یاپه بیله چکی ایش
کندیسینی تهاکه به آتورق مقامندن چکیمک ایدی.

بوصورتده ایسته دکلی کبی بر فتوا امینی بولمده هیچ ده مشکلاته دوچار
اولمازلدی. چونکه مرکز عمو میده، اعیانده، بمعوانده مطلوبه موافق فتوا
امینلری اکیسک دکلدی. هله اوحقوق هائله قرانامه سی قومیسونی اعضاسی برر
مفق ماچن اوله مازلری؟ ایدی. بشقه لرینه نه حاجت؛ خیری کبی مفتی الانام حضرتلری
وافی و کافی دکلی؟ ایدی. [۱] بونلر، بالفرض غیروارد عدایدلسه و فتواخانه بالطوع
والرضا فتوا ویرمش اولسه بیله ینه هر تورلو مسئولیتدن بریدر. چونکه مفتی
استفتایه کوره فتوا ویرر. ریاست دولته بولنانلر، بر مستفتی صفتیه کلوبده «دولتک
کندیسنه نافع کوردیکی فلان دولته برلکده فلان دولت علیه محاربه یه کیریشه سی
جائز میدر؟» دیرسه فتواخانه بوکا قارشو «الجواب جائزدر» دیمک مجبوریتنده در.
عکسی تقدیرده دولته اهانت ایش اولور. اما نافع کوستریان محاربه نفس الامرده
مضر مش؛ فتواخانه بوراسی بیله مز. بو خصوصک تقدیری دولتک وضعیت

[۱] دها تحقی شودرکه جهاد؛ فتوا اصدارندن ده اول اعلان ایداش بولنیوردی.

سیاسیہ و عسکریہ سنی بیلنلرہ عائددر کہ اونلردہ دولتک رجال سیاسیہ و عسکریہ سی
ایله اعیانی و مبعوثانیدر . بتون قوت و صلاحیتلری حائر اولمی لازم کان بو
« حل و عقد » اصحابنک نافع کوزدکاری و پاخود مضر کوروبده سس چیقاره مدقلری
حرب اثباتنه قارشئ فتواخانه نه صلاحیت ونه کبی قوتله ممانعت ایدہ بیلیردی . اساسا
بز ، هانکی علمانی مدافعه ایتک ایسته یوز . ؟ ا کر جمعیت خارچنده کی علما ایسه
اونلر منفالرده ، دیوان حربلرده ، خانه کوشه لرنده اصرار حیات وایلم ایدیورلردی .
وا کر جمعیته منسوب اولانلرده داخل ایسه اونلرک جرملری مشهور عالم اولدینی
ایچون قابل مدافعه دکلردر . اوروپا افکار عمومیه سی مسئولیتک کیملره تائد اولدینی
بتون تقرحاتیله بیلیر و بوندن طولانی علما و فتواخانه نی مسئول طوماز صانیرم .

احمد شیرانی

بر حسب حال و برتنی

بوندن برقاج سنه اول یاپیلان مدارس تشکیلاتی ؛ مدرسه لریمزک یکیدن
منبع العلوم اوله جفته دائر بکا ایچه امیدلر و یرمیه باشلامشدی . چونکه : ناصیه
تاریخ اسلام مدرسی تمین ایدلش اولدینم اومبانی داخاندنه حقیقه ذکی طلبه بولندیقئ
کورمکه افتخار ایدیوردم . حتی ایکنجی صنف طلبه سندن (نوری افندی)
اسمنده غایت فطین برشا کرد ؛ عربی مدرسی درسه تائد سوالر یله عاجز بر اقدینی
ایچین بر شعبه دن دیگر شعبه یه ، یعنی صوغوق قویو مدرسه سندن آیا صوفیه یه
انی اولنمشدی !

أوت . طلبه هم ذکی همده چالیشقان ایدی . ای او قوتولان درس لرک استماع
و ضبطنه فوق العاده برخواستلر کویورلر ، ویریلن نوطلری شاپرو غراف